

GAL ikerbidean

# Ez da onartu Rodriguez Galindo jeneralak Gomez de Liaño epailea errefusatzeari

Berak erabakiko du orain Garzonek 'Oñaederra kasuarekin' jarraituko duen


**E**nrique Rodriguez Galindo Guardia Zibileko jeneralak Garzon eta Gomez de Liaño GAL auzia ikertzen ari diren instruktoreak errefusatu zituen, baina Ismael Moreno epaileak ez du onartu Gomez de Liañoren kontrakoa. Beraz, horrek erabakiko du orain Garzonek 'Oñaederra kasuan' jarraituko duen.

Efe / Madril

BALTASAR GARZONEK Ramon Oñaederraren sumarioan deklaratzera deitu zuen Galindo joan den astean. Inputatu gisa deklaratu behar zuen, baina Galindok Garzon epailea errefusatu zuen eta eten egin ziren diligentsiak. Agiri bat aurkeztu zuen, Garzonek ez lukeela kasu hori ikertu behar argudiatuz.

Javier Gomez de Liañori dagokio auzi hori konpontzea, bera delako Garzonen ordezkaria, baina Galindok bigarren epaile hori ere errefusatu egin zuen. Bi magistratuak «adiskidetasun intimoa» dutela argudiatu zuen. Bigarren errekusazio horri Ismael Moreno epaileak eman dio erantzuna: adiskidetasuna ez dela Gomez de Liaño baztertzeko arrazoiak. Beraz, azken honi dagokio orain Garzonen kontrako errefusatzeari erabakitzea. Garzon GALen lehenengo atentatuak ari da ikertzen Oñaederra auziaren barruan.

Garzonek eta Gomez de Liañok epaitegitik gertu dauden tabernetan elkarrekin gosaldutako ohi dutela zioen Galindok beren



Javier Gomez de Liaño epailea Entzutegi Nazionalera iristen.

EFE

Garzonen eta Gomez de Liañoren arteko adiskidetasuna normala dela eta ez dela baztertzeko arrazoi erantzun dio Ismael Moreno epaileak Galindori

«adiskidetasun intimoa» argudiatu nahian, eta maiz elkarrekin bazkaldu eta elkartzen direla bulegoren batean. Jarrera horiek normaltzat jo ditu Morenok, eta adiskidetasun hori ez dela errefusatzeko arrazoi esan du. Argudio hori epailearen eta fiskal edo abokatuen artean bakarrik erabil daitekeela gogoratu dio gainera.

Gomez de Liaño bera eta baita fiskala ere Galindoren errefusatzeari horren kontra agertu ziren. «Fede txarrez» jokatzeari leporatu zion fiskalak eta 100.000 pezetako isuna eskatu zuen. Ismael Moreno epaileak ez du fiskalaren eskaera onartu.

Garzonen kontrako errefusatzeari dago orain erabakitzeke. Bi arrazoi nagusi eman ditu Galin-

dok: batetik, Michel Dominguez polizia ohiak Garzonen kontra eginiko akusazioak —guda zikinar buruzko informazioa isildu egin zuela eta komeni izan zitzaienez presionatu egin zuela deklaratu zezan—, eta, bestetik, Garzonen agindutara egon zela Barne Ministerioan. Garzonek ezin duela kasu honetan objektiboki jokatu azaldu du Galindok, interes zuzena duelako.

Garzonek fiskalari igorri dio dagoeneko errefusatzeari kontrako jarrera, Galindoren argudioak gezurtatuz. Galindo ez zela hierarkikoki bere agindutara izan dio epaileak, funtzionalki baizik, eta, beraz, ezin dela errefusatzeko arrazoi izan.

Rafael Vera Segurtasunerako Estatu idazkari ohiak ere Garzon errefusatu zuen, Garcia Goena kasuko instruktore gisa. Arerio direla argudiatu zuen, eta Michel Dominguezen akusazioak gogoratu zituen. Gomez de Liañok ez zion eskaera onartu, eta gainera 100.000 pezetako isuna jarri zion, fede txarrez jokatzeari. X

Guardia zibil bik diote ez zutela parte hartu Lasa eta Zabalen bahiketan

■ Hermidak eta Sandovalak idazkiak aurkeztu dituzte errugabeak direla frogatzeko

Efe / Madril

FRANCISCO HERMIDA eta Luis Sandoval guardia zibilek bi idazki aurkeztu zituzten Espainiako Entzutegi Nazionalera Javier Gomez de Liaño epaileari. Berauen defendatzailearen ustez, idazki horien adieraz liteke bi auzipetu horiek ez zutela parte hartu 1983ko urriaren 15ean Josean Lasa eta Joxi Zabalen bahiketan Baionan.

Epaitegitik iturrien arabera, Hermidak Guardia Zibileko 513. eraikuntza publikoetako dokumentu kopia aurkeztu zuen. Horren arabera, agente hori Donostiako postetxean goardia egiten zegoen. Luis Sandovalak BOEren kopia bat eta data horietan atestatu ikastaro bat egiten ari zela egiaztatzeke idazki bat eraman zituen.

Herri akusazioko ordezkariaren iritziz, oster, Hermidak bera zen zerbitzuak bete izana egiaztatzeke agerian izana jartzen zuena. Sandovalen koartadaz esan zuen urriaren 12an, Guardia Zibileko patroilaren festa zelako, ikastarora joandakoek jai izan zutela. Akusazioaren ustez, festa horren luzapena ez zen egiaztatua geratu.

Epailearen aurrean egin dako deklarazioan, Sandovalak esan zuen segurtasun arrazoiengatik ezin zezakeela argitu non egon zen egun hartan, baina ez zela Donostian ez hirurehun kilometrorara ere egon.

Epaileak bi agente horiek auzipetu gisa deitu zituen, Dorado Villalobos eta Felipe Bayo lagundu zituztenak izan daitezkeelakoan. Orduan bi agenteek ez deklaratzeko eskubideari eutsi zioten, baina gero bere borondatez deklaratzeari eskatu zuten. X

## Perote koronela «arriskutsua» dela dio Eduardo Serra Defentsa ministroak

■ Auzitegi Militarrek lau urteko behin-behineko kartzela ezarri dio

Efe / Madril

EDUARDO SERRA Defentsa ministroak uste du Juan Alberto Perote koronela eta CESIDeko buruzagi ohi pertsona «arriskutsua» dela. «Perote pertsona arriskutsua da, eta edozein neurri hartzea bidezkoa izango da», adierazi du.

Neurriak Auzitegi Militarrek hartu ditu, Peroteri legeak baimentzen duen guztia ezarri baitio. Militarren araudiaren arabera, lau urteko kartzela prebentiboa ezartzea posible da, eta hori egin du Peroterekin. Perote Alkalako kartzelan dago joan den irailaren 29tik, antza denez CESIDeko agiri sekretuak hartu zituelako.

«Perote koronela oso gizon

arriskutsua da, ez da fidatzekoa. Min handia egin dio jada interes nazionalako segurtasunari», adierazi zuen Defentsa ministroak Itsas Eskolan egiaztatutako emateko ekitaldiaren ostean. Ekitaldian Espainiako Juan Carlos I.a izan zen buru.

Epaileen independentzia errespetatuko duela esan zuen Serrak, baina, horrez gain, beste edozein neurri hartzea bidezkotzat jo zuen. «Edozein neurri ongi etorria izango da», adierazi zuen.

Epaiketarik izan gabe lau urte kartzelan egon beharko du Perotek, eta neurri hori legezkota ote den galdetu zioten ministroari. Serrak uste du baietz. «Txostenek hori diote, eta horrela bada, posible izango da neurri hori har-

tzea», deklaratu zuen.

CESIDen dokumentuak desklasifikatzeko aukerari buruz, Serrak esan zuen Estatu Kontseilua azken txostena prestatzen ari dela. Txosten hau argigarria izango da Ministro Kontseiluerentzat, neurriaren «komenigarritasunari» buruz ebartzeko baitu. «Txostena izan bezain pronto Ministro Kontseiluak azteru egingo du eta erabakiko du», gehitu zuen.

Perotek, bestalde, ezingo du baldintzapeko askatasuna lortu lau urteko epe honetan, militarren araudiak ez baitu aukera hori aintzat hartzen. Perotek zin egin zuen ez zuela ihes egingo, baina Auzitegi Militarri ez zaio egokia iruditu Peroteren adierazpena. X



ZAMALBIDE INSTITUTUA

20100 Errearteria Tfnoak: 516099 - 520640



D ereduan:

- \* REM I (Tokia badago)
- \* REM II: Batxilergo Teknologikoa. (Tokia badago)
- \* MODULU III: Sistema Automatiko eta Programagarriak

Matrikulazio epeak: Uztailaren 1etik 8ra / Irailaren 4tik 11ra.